



REPUBLIKA E SHQIPËRISË

BASHKIA KONISPOL

KËSHILLI

RAPORT

PËR PUNËN VJETORE TË KËSHILLIT BASHKIAK KONISPOL PËR VITIN 2025

Të nderuar këshilltarë !

Këshilli Bashkiak, si organ përfaqësues dhe vendimmarrës i qeverisjes bashkiake, ushtron përgjegjësitë e tij qeverisëse duke respektuar parimet e demokracisë vendore, transparencës qeverisëse dhe ligjshmërisë. Ai siguron përdorimin ekonomik, efikas dhe efektiv të burimeve njerëzore, financiare, fizike, natyrore dhe teknologjike të Bashkisë.

Veprimtaria e Këshillit Bashkiak Konispol mbështetet në zbatimin e detyrimeve që burojnë nga ligjet dhe aktet nënligjore në fuqi, si dhe nga rregulloret e miratuara nga vetë Këshilli, të cilat janë si më poshtë:

1. Ligji nr. 8417, datë 21.10.1998 “Kushtetuta e Republikës së Shqipërisë”, i ndryshuar.
2. Ligji nr.8548, datë 11.11.1999 “Për Ratifikimin e Kartës Europiane të Autonomisë Vendore”
3. Ligji nr. 10019, datë 29.12.2008 “Kodi Zgjedhor i Republikës së Shqipërisë”, i ndryshuar.
4. Ligji nr. 139, datë 17.12.2015 “Për Vetë-Qeverisjen Vendore”
5. Ligji nr. 44, datë 30.4.2015 “Kodi i Proçedurave Administrative”
6. Ligji nr.8480, datë 27.5.1999, “Për Funksonimin e Organeve Kolegjiale të Administratës Shtetërore dhe Enteve Publike”
7. Ligji nr.107, datë 27.10.2016 “Për Prefektin e Qarkut”
8. Ligji nr.119, datë 18.09.2014 “Për të Drejtën e Informimit”
9. Ligji nr. 146, datë 30.10.2014 “Për Njoftimin dhe Konsultimin Publik”
10. Ligji nr.68, datë 27.04. 2017 “Për Financat e Vetëqeverisjes Vendore”
11. Ligji nr.9936, datë 26.06.2008 “Për menaxhimin e sistemit buxhetor në Republikën e Shqipërisë”
12. Ligji nr.9970, datë 24.7.2008 “Për Barazinë Gjinore në Shoqëri”
13. Ligji nr.10221, datë 04.02.2010 “Për Mbrojtjen nga Diskriminimi”
14. Ligji nr.9154, datë 06.11.2003 “Për Arkivat”
15. Ligji nr. 9367, datë 07.04.2005 “Për Parandalimin e Konfliktit të Interesave”, i ndryshuar
16. Ligji nr.10296, datë 08.07.2010 “Për Menaxhimin Financiar dhe Kontrollin”
17. . Ligji nr.45/2019, “Për Mbrojtjen Civile”, i ndryshuar
18. Vendim I Këshillit Bashkiak “Për miratimin e rregullores për funksionimin e Këshillit të Bashkisë Konispol nr.30, datë 03.06.2020

I- PROCESI I VENDIMMARRJES

Këshilli Bashkiak, si organ vendimmarrës, politikbërës dhe mbikëqyrës, ka miratuar vendime që lidhen me funksionet kryesore të Bashkisë Konispol, të cilat ndërlidhen drejtpërdrejt me mirëqenien dhe mirëfunksionimin e komunitetit.

Nga ana tjetër, si organ politikbërës, Këshilli është përgjegjës për hartimin e politikave vendore. Gjatë vitit 2025, Këshilli ka vendosur për çështje të rëndësishme, si përcaktimi i nivelit të taksave dhe tarifave, si dhe miratimi i rregulloreve që kanë një ndikim të drejtpërdrejtë në jetën e përditshme të qytetarëve dhe bizneseve të qytetit.

Gjatë vitit 2025, Këshilli Bashkiak Konispol ka zhvilluar një aktivitet të plotë, duke marrë vendime të rëndësishme dhe duke ruajtur komunikim të vazhdueshëm me komunitetin. Janë arritur objektiva të rëndësishëm në fusha sektoriale të vetëqeverisjes vendore, duke përfshirë shërbimet publike, sociale, ekonomike dhe të tjera.

Në fushën sociale, Këshilli Bashkiak ka shqyrtuar dhe miratuar një numër të madh vendimesh që synojnë mbështetjen e familjeve me probleme të thella sociale.

Këshilli ka miratuar çdo muaj vendime për ndihmë financiare për familjet në nevojë, jo vetëm nga fondet e kushtëzuara, por edhe nga të ardhurat e Bashkisë Konispol.

Nr.	Muaji	Ndihmë ekonomike për familje nga të ardhurat e Bashkisë	Ndihmë ekonomike për familje nga fondi i kushtëzuar 6 %
1.	Janar		6
2.	Shkurt		6
3.	Mars		5
4.	Prill		6
5.	Maj		6
6.	Qershor		6
7.	Korrik		6
8.	Gusht		6
9.	Shtator		5
10.	Tetor		6
11.	Nëntor		4
12.	Dhjetor		

Gjatë periudhës janar-dhjetor 2025, Këshilli Bashkiak Konispol ka marrë gjithsej 56- vendime.

Vlen të theksohet se të gjitha vendimet e Këshillit Bashkiak Konispol janë miratuar në përputhje me ligjet dhe aktet nënligjore në fuqi. Institucioni i Prefektit të Qarkut Vlorë ka vlerësuar pozitivisht ligjshmërinë e të gjitha vendimeve të marra nga Këshilli Bashkiak Konispol për këtë periudhë 12 mujore.

Gjithashtu, nga ana e Prefektit të Qarkut Vlorë është kryer kontroll i rregullt, dhe në raportin e tij të fundit, është konstatuar se Këshilli Bashkiak Konispol ka zbatuar me korrektësi të gjitha detyrimet ligjore.

Nga sa përmendëm më lart, këto vendimmarrje dëshmojnë qartë bashkëpunimin efektiv të Këshillit me administratën e Bashkisë Konispol për të trajtuar në kohë dhe në përputhje me legjislacionin shqetësimet dhe problematikat e qytetarëve.

Gjatë kësaj periudhe, Këshilli Bashkiak ka mbajtur rregullisht mbledhjet e radhës, sipas tabelës së mëposhtme:

Muaji	Nr i mbledhjeve	Data e mbledhjes
Janar	1	30.01.2025
Shkurt	1	27.02.2025
Mars	1	27.03.2025
Prill	1	30.04.2025
Maj	1	29.05.2025
Qershor	1	17.06.2025 30.06.2025
Korrik	1	31.07.2025
Gusht	1	28.08.2025
Shtator	1	30.09.2025
Tetor	1	30.10.2025
Nëntor	1	27.11.2025
Dhjetor	1	29.10.2025
Total	13	

Mbetet detyrë e rëndësishme zbatimi praktik i vendimeve dhe për të arritur këtë në mënyrë sa më efektive, kërkohet bashkëpunimi i të gjitha hallkave të përfshira (përfaqësues, ekzekutiv, komunitet).

II- TRANSPARENCA

Sekretariati i Këshillit ka zbatuar me korrektësi kërkesat ligjore për njoftimet publike, duke i publikuar ato në faqen zyrtare të Bashkisë, në media lokale, si dhe duke njoftuar drejtoritë përkatëse të Bashkisë, në përputhje me ligjin nr.139/2015 "Për Vetëqeverisjen Vendore", të ndryshuar, dhe Rregulloren e Funkcionimit të Këshillit të Bashkisë Konispol.

Në zbatim të rregullores së miratuar me VKB, është vënë në funksionim regjistri elektronik dhe fizik i ankesave, kërkesave, iniciativave dhe peticioneve. Ky regjistër shërben për të evidentuar dhe trajtuar në mënyrë transparente të gjitha ankesat dhe kërkesat që mbërrijnë në adresë të Këshillit.

Gjatë vitit janë dorëzuar në Sekretariat 3- kërkesa. Në bashkëpunim me Kryetarin e Këshillit, të gjitha janë adresuar dhe janë marrë përgjigjet brenda afateve ligjore. Forma e komunikimit ka qenë përmes postës zyrtare.

Për t'u përshtatur risive teknologjike dhe për të lehtësuar komunikimin me qytetarët, Këshilli Bashkiak ka krijuar një faqe në rrjetin social Facebook, ku publikon njoftime për mbledhjet dhe pranon ankesa, kërkesa, sugjerime dhe vërejtje nga qytetarët. Gjithashtu, të gjitha mbledhjet e Këshillit janë transmetuar drejtpërdrejt nga mediat lokale, duke i dhënë mundësi komunitetit të ndjekë diskutimet në kohë reale dhe të kontribuojë me mendime për çështjet në shqyrtim.

Në zbatim të ligjit nr. 139/2015 "Për Vetëqeverisjen Vendore", të ndryshuar, dhe ligjit nr. 146/2014 "Për Konsultimin Publik", gjatë periudhës 12-mujore të këtij viti, Këshilli Bashkiak, në bashkëpunim me Bashkinë Konispol, ka organizuar edhe dëgjesa publike. Këto dëgjesa u zhvilluan për të diskutuar projektvendimet mbi sistemin e taksave dhe tarifave vendore për vitin 2026, si dhe për projektbuxhetin e vitit 2026 të Bashkisë Konispol.

Në këto dëgjesa publike kanë marrë pjesë qytetarë të ndryshëm. Numri i pjesëmarrësve ka qenë i konsiderueshëm, duke siguruar një proces transparent dhe gjithëpërfshirës për adresimin e nevojave dhe shqetësimeve të komunitetit.

Është përditësuar faqa online e Këshillit Bashkiak me informacione për publikun nëpërmjet seksioneve të mëposhtme :

Projektvendimet

Regjistri i transparences se mbledhjeve të KB

III- AKTIVITETET

Këshilli Bashkiak Konispol përgjatë vitit 2025 ka qenë pjesëmarrës në disa aktivitete të rëndësishme, dhe paraqiten si më poshtë

- a. Gjatë vitit 2025, me mbështetjen e Ministrit të Shtetit për Pushtetin Vendor, Agjencisë për Mbështetjen e Vetëqeverisjes Vendore (AMVV), Shoqatës për Autonomi Vendore (SHAV), dhe institucioneve partnere si ASPA dhe SHKQSH, u organizuan trajnime për këshilltarët vendorë dhe komisionet e përhershme të këshillave bashkiakë. Këto trajnime, të mbështetura nga Projekti "Bashki të Forta" (BtF2) dhe financuar nga Agjencia Zvicerane për Zhvillim dhe Bashkëpunim (SDC), synuan:
 - Fuqizimin e rolit të këshillave bashkiakë në shqyrtimin, vlerësimin dhe miratimin e projekt-akteve përmes punës së komisioneve të përhershme.
 - Rritjen e kapaciteteve menaxhuese të drejtuesve të këshillave për të siguruar përmbushjen e përgjegjësiave ligjore.

- Përmirësimin e demokracisë vendore dhe shërbimeve publike, përmes një bashkëpunimi më të mirë me administratat bashkiake dhe angazhimit të qytetarëve.

Këto aktivitete përbëjnë një hap të rëndësishëm drejt krijimit të këshillave më efikasë dhe më të suksesshëm në ofrimin e shërbimeve për komunitetet lokale.

Siç u përmend më sipër, mbetet një detyrë e rëndësishme për të ardhmen gjetja e mënyrave dhe formave të tjera për të komunikuar me publikun për çështje të rëndësishme, si: diskutimi për buxhetin e bashkisë, paketën fiskale, tjetërsimin dhe dhënien me qira të pronave, miratimin e standardeve dhe rregulloreve, me qëllim nxitjen e pjesëmarrjes aktive të komunitetit në vendimmarrje.

Gjithashtu, është e nevojshme që të rritet bashkëpunimi dhe angazhimi i ekzekutivit për të përgatitur në kohë raportet dhe informacionet e planifikuara për vitin 2026, si dhe për të përmbushur kërkesat e ardhshme të Këshillit Bashkiak.

Një tjetër detyrë e rëndësishme është që çdo këshilltar, për aktet normative që do të diskutohen dhe miratohen në këshill, të marrë paraprakisht opinione dhe vërejtje nga publiku në lagjen ose fshatin që përfaqëson, përpara se ato të shqyrtohen dhe të vendosen në këshill.

Duke ju uruar punë të mbarë për vitin 2026 dhe falënderuar secilin prej jush për kontributin e dhënë, ju nxisim të vazhdoni përpjekjet për të përmirësuar shërbimet dhe për të forcuar lidhjen me komunitetin!

SEKRETARE E KËSHILLIT BASHKIAK

Ilirjana ILIAZI

